



Menarik di dalam...

EDISI
SEPT-DIS

ISU: 3, 2017



SIDANG PENGARANG

Ketua Editor:

Pn Dg. Salwah Pg Abd Razak
DgSalwah.PgAbdRazak@sabah.gov.my

Editor:

Inah Dahlan
Inah.Dahlan@sabah.gov.my

Penyusunan Teks

DK Mastura Pg Ismail
DkMastura.PgIsmail@sabah.gov.my

Pereka Grafik &

Mohd Tarmizi Bin Mohd Salleh
TarmiziSalleh91@gmail.com

Jurugambar:

Jonathan Leslie Panamba
JonathanLeslie.Panamba@sabah.gov.my

ISSN 2289-9499



9 772289 949004

Buletin

Perpustakaan Negeri Sabah

02 MAJLIS
PERPISAHAN AO
DAN TP TEKNIKAL

03 LAWATAN KERJA
SETIAUSAHA TETAP
KPM&HEP KE
PERPUSTAKAAN DAERAH
TAWAU

04 PERASMIAN BANGUNAN
BAHARU PERPUSTAKAAN
NEGERI SABAH
CAWANGAN KUALA



PERUTUSAN PENGARAH

Salam Sejahtera dan Salam Sehati Sejiwa,

Bersyukur kita kerana sampai di penghujung tahun 2017 dan bakal melangkah ke Tahun Baharu 2018. Sepanjang tahun 2017, pelbagai peristiwa bersejarah telah kita lalui dan menjadi kenangan yang bermakna. Di akhir penggal ini sahaja kita telah meraikan pembukaan bangunan baharu Perpustakaan Cawangan Kuala Penyu. Selain itu, kita telah sukses menganjurkan Pertandingan Membaca Braille Peringkat Negeri Sabah, yang pertama kalinya diadakan di Sabah.

berpindah ke jabatan lain, didoakan sentiasa maju jaya.

Sesungguhnya masa terus bergerak tanpa menunggu mereka yang leka. Kepada semua warga kerja PNS, marilah kita teruskan langkah kejayaan dengan tekad azam untuk terus mencipta sejarah menjadi warga kerja yang gemilang demi melestarikan misi serta visi PNS yang kita sayangi.

Akhir kata, Selamat meraikan Hari Natal kepada warga kerja PNS yang meraikannya dan Selamat Menyambut Tahun Baharu 2018.

Wong Vui Yin
Pengarah
Perpustakaan Negeri Sabah

Hantarkan sebarang pertanyaan, pendapat, pengalaman menarik, seram atau romantik sepanjang bertugas di PNS ataupun perkongsian maklumat ke:

Bahagian Korporat & Penerbitan atau ke alamat emel sidang pengarang buletin yang tertera di atas.

MAJLIS PERSARAAN TP FLO



**Ibu Pejabat PNS,
01 Disember 2017 --**

Sempena hari terakhir Timbalan Pengarah Perkhidmatan Teknikal, Pn Flora Fung berkhidmat di Perpustakaan Negeri Sabah, jamuan makan telah dianjurkan di auditorium aras 8. Hadir sama pada majlis tersebut Pengarah Perpustakaan Encik Wong Vui Yin, Timbalan Pengarah Kanan, Pn Maria Sinti dan kakitangan-kakitangan di bawah Perkhidmatan Teknikal. Selamat bersara, semoga diberikan kebahagiaan disamping insan-insan tersayang.

MAJLIS PERPISAHAN PEGAWAI TADBIR

Ibu pejabat PNS, 04 Disember 2017 --

Majlis jamuan makan telah diadakan di Bahagian Khidmat Pengurusan dan Personel sempena hari terakhir Pegawai Tadbir kita atau lebih mesra disapa sebagai AO Khadijah Binti Hj Sutrisnoh berkhidmat di Perpustakaan Negeri

Sabah. Beliau telah berpindah Jabatan ke Jabatan Keretapi Negeri Sabah. Majlis jamuan dihadiri oleh kakitangan BKPP. Warga PNS mendoakan agar beliau terus sukses dan maju jaya dalam kerjayanya di tempat baharu.



SUKAN PERPUSTAKAAN AWAM SE-MALAYSIA (SPASM) 2017

Ibu pejabat PNS, 04 Disember 2017 --

Tahniah kepada kontinjen PNS yang telah mewakili dalam Sukan Perpustakaan Awam Se-Malaysia (SPASM) 2017 yang berlangsung di Wilayah Persekutuan Kuala Lumpur. Seramai 45 orang kakitangan PNS terlibat mewakili kontinjen termasuk AJK. Kuala Lumpur muncul sebagai juara keseluruhan pertandingan SPASM 2017 tahun ini.



BENGKEL KESEDARAN SIBER (ICT)**DUN Kota Kinabalu, 13 Oktober 2017 --**

Kira-kira seramai 15 orang kakitangan yang terdiri daripada ketua bahagian dan kakitangan pelbagai skel telah mengikuti Bengkel Kesedaran (ICT) yang berlangsung di Dewan Bankuasi, Dewan Undangan Negeri (DUN) Kota Kinabalu pada 13 Oktober 2017.

**LAWATAN KERJA SETIAUSAHA TETAP KPM&HEP DAN PENGARAH KE PERPUSTAKAAN DESA DI DAERAH TAWAU**

PD Kg. Merotai Besar

Tawau, 29 & 30 November 2017 --

Lawatan kerja ke Perpustakaan Desa (PD) dan juga Perpustakaan Cawangan (PNSC) di daerah Tawau bersama Setiausaha Tetap Kementerian Pembangunan Masyarakat dan Hal Ehwal Pengguna, Pn Janet K.L. Chee bersama Pengarah PNS Encik Wong Vui Yin melawat perpustakaan desa dan perpustakaan cawangan di daerah Tawau. Antara perpustakaan yang dilawat ialah PD Kg. Merotai Besar, PD Pasir Putih dan juga PNSC Kunak.

MESYUARAT POS LAJU DAN BAHAGIAN PENGHANTARAN PNS BERSAMA PENGARAH**Ibu pejabat PNS, 17 Oktober 2017**

Kunjungan hormat dari pihak POS Malaysia ke Ibu Pejabat Perpustakaan Negeri Sabah telah diadakan. Perbincangan melibatkan pegawai-pegawai POS Malaysia bersama Pengarah Perpustakaan, Encik Wong Vui Yin dan pihak pengurusan Perpustakaan Negeri Sabah.



PERASMIAN BANGUNAN BAHARU KUALA PENYU**Ibu pejabat PNS, 05 Sept 2017 --**

5 September 2017, Perpustakaan Negeri Sabah telah mencatat sejarah dengan berlangsungnya majlis perasmian bangunan baharu iaitu Perpustakaan Negeri Sabah Cawangan Kuala Penyu. Majlis tersebut telah dirasmikan oleh Yang Berhormat Tuan Limus bin Jury, Ahli Dewan Undangan Negeri bagi N26 Kuala Penyu. Antara dif jemputan yang hadir ialah Ketua Penolong Setiausaha bagi Kementerian Pembangunan Masyarakat

dan Hal Ehwal Pengguna, Puan Noraini Shafie dan, Encik Abdul Rahim@Rosli Yacob selaku Pegawai Daerah Kuala Penyu. Pada hari perasmian tersebut, beberapa ruang pameran telah diadakan dan dibuka kepada umum yang disertai oleh PEMADAM, Agensi Anti Dadah Kebangsaan (AADK), Lembaga Penduduk dan Pembangunan Negara (LPPKN), Jabatan Perkhidmatan Kebajikan Am dan Perpustakaan Negeri

Sabah sendiri. Para pelajar dari SK Rimbaan, iaitu merupakan sekolah angkat kepada Perpustakaan Negeri Sabah Cawangan Kuala Penyu telah memeriahkan slot aktiviti mewarna gambar, membuat penanda buku, lipatan origami dan hiasan decoupage. Penampilan badut dengan ketampilannya membentuk belon berwarna-warni telah menghiburkan lagi pengunjung yang hadir.




SAMBUTAN ULANG TAHUN PENGARAH**Ibu pejabat PNS, 23 Oktober 2017**

Warga Perpustakaan Negeri Sabah mengucapkan Selamat Ulang Tahun kepada Pengarah Perpustakaan kita, Encik Wong Vui Yin yang menyambut hari jadinya pada 23 Oktober 2017. Majlis sambutan hari jadi telah diadakan di bilik mesyuarat aras 8 dan dihadiri ketua-ketua bahagian. Warga kerja PNS mengucapkan selamat hari jadi, semoga panjang, murah rezeki dan sihat senantiasa.

**TAKLIMAT PINJAMAN RUMAH DARI BORNEO HOUSING****Ibu pejabat PNS, 07 Disember 2017 --**

Taklimat pinjaman rumah dari Borneo Housing adalah bertujuan untuk memberi penerangan mengenai kemudahan pinjaman perumahan kepada penjawat awam negeri sabah.

PELANCARAN BUKU “FROGS OF BORNEO”**Muzium Kota Kinabalu, 07 November 2017**

Majlis penyerahan buku bertajuk “Frogs of Borneo” dari Datuk CL Chan Kepada pihak Perpustakaan Negei Sabah yang diwakili oleh Pengarah Perpustakaan Negeri Sabah, Encik Wong Vui Yin telah berlangsung di Muzium Negeri Sabah Kota Kinabalu. Peruntukan dalam Enakmen Perpustakaan Negeri Sabah 1988 (pindaan) 2007, penulis dan penerbit tempatan perlu menghantar tiga (3) salinan hasil karya bahan penerbitan di Sabah akan disimpan sebagai bahan rujukan dan juga bagi tujuan pemeliharaan bahan.

SUMBANGAN WAKAF**PNS Wilayah Keningau, 07 November 2017**

Penyerahan sumbangan wakaf berupa Al-Quran, Yassin dan buku-buku agama dari kakitangan Islam Perpustakaan Negeri Sabah Wilayah Keningau kepada Institut Pengajian Islam dan Dakwah Sabah (IPDAS) telah diadakan di Perpustakaan Wilayah Keningau dan diserahkan oleh Pn Zaiton Saridi, Ketua Wilayah PNSW Keningau.



Program Anjuran Persatuan BAKTI PNS

MAJLIS ILMU BAKTI

Ibu pejabat PNS, 08 September 2017 --

Majlis Ilmu bertajuk “Pengorbanan dari Perpektif Islam” telah diadakan bersempena dengan sambutan Hari Raya Haji. Ceramah telah disampaikan oleh Ustaz Awaludin Nasution dari Jabatan Hal Ehwal Agama Islam Negeri Sabah (JHEAINS).



KURSUS PENGURUSAN JENAZAH



Ibu pejabat PNS, 01 November 2017 --
Kursus percuma pengurusan jenazah telah diadakan di auditorium aras 8 Ibu pejabat PNS. Penceramah jemputan sekaligus membimbang kursus tersebut ialah Tuan Haji. Idrus Bin Ahmad dan Puan Eda binti Noor.



PNS BERSELAWAT



Ibu pejabat PNS, 08 Disember 2017 --
Program anjuran BAKTI “PNS Berselawat” berlangsung dengan jayanya dengan mendapat sambutan yang menggalakkan di kalangan kakitangan beragama Islam PNS. Persembahan Qasidah telah disampaikan oleh kumpulan Qassidatul Haddad. Program “PNS Berselawat” diadakan bersempena dengan Sambutan Maulud Nabi.

KURSUS PENDEK DEVELOPING ATTITUDE & HABITS AT WORKPLACE**Ibu pejabat PNS, 03 November 2017**

Kursus Pendek Developing Attitude & Habits at Workplace telah diadakan di Bilik Seminar aras 4. Kursus yang berlangsung selama dua (2) hari ni telah dihadiri penjawat awam yang terdiri daripada pelbagai skel di Perpustakaan Negeri Sabah dan kursus disampaikan oleh Pn. Fakitah Mat Kasah dari A.R Skill Resources, Wilayah Persekutuan Kuala Lumpur.

**SAMBUTAN HARI NATAL SELURUH DI IBU PEJABAT**

Perayaan Hari Natal pada tahun ini amat meriah dengan pelbagai dekorasi yang telah di buat hasil sentuhan kreativiti kakitangan sendiri. Hiasan ini telah menimbulkan lagi suasana ceria dan memeriahkan lagi sambutan Hari Natal dan Tahun Baharu. Berikut antara hiasan Hari Natal yang menarik sempat kami kongsikan:



LAWATAN KE ARKIB NEGARA MALAYSIA, NEGERI SABAH / W.P LABUAN

Arkib Negara Malaysia, Oktober 2017 --
Seramai 16 orang kakitangan Perpustakaan Negeri Sabah dari Pusat Penyerahsimpanan Negeri, Bahagian Katalog, dan Bahagian Pembangunan Koleksi Elektronik telah melawat Arkib Negara Malaysia, Negeri Sabah / W.P. Labuan pada 3 Oktober 2017.

Satu taklimat ringkas mengenai Pengurusan Rekod telah diberikan oleh Puan Corriena selaku Penolong Pengarah, dan seterusnya diiringi oleh Encik Sazali dan Encik Azman untuk melawat Seksyen Pengawetan dan Penjilidan, Bilik Pemuliharaan dan Dewan Penyelidikan, serta Bilik Perpustakaan.



LAWATAN KESEDARAN PENGUATKUASAAN ENAKMEN PNS 1988 (PINDAAN) 2007



9.10.2017
SMK Beluran 2



12.10.2017
Stesen Penyelidikan Pertanian
Bukit Quoin (ARS) Tawau



10.10.2017
Persatuan Hakka Sandakan



12.10.2017
Jamil Aziz- Sumber Karya Seni

Peruntukan dalam Enakmen Perpustakaan Negeri Sabah 1988 (pindaan) 2007, penulis dan penerbit tempatan perlu menghantar tiga (3) salinan hasil karya bahan penerbitan di Sabah seperti buku, bahan ilmiah, cd atau vcd. Bahan-bahan ini akan disimpan sebagai bahan rujukan dan juga bagi tujuan pemeliharaan bahan.



10.10.2017
Institut Latihan Perindustrian Sandakan

LAWATAN SAMBIL BELAJAR KE PERPUSTAKAAN NEGERI SABAH

Pihak Perpustakaan Negeri Sabah amat berbesar hati dengan kedatnagan rombongan pelajar, guru-guru yang terdiri daripada Tadika, Sekolah Rendah dan Sekolah Menengah ke Perpustakaan Negeri Sabah. Diharapkan agar lawatan ini dapat memberikan manfaat kepada para pelajar disamping mewujudkan generasi muda yang cintakan membaca.



17.10.2017
AMC College



17.10.2017
SMK Segaliut Sandakan



24.10.2017
SMK Joseph Papar



26.10.2017
SMK Sindumin Sipitang



27.10.2017
SK Labuan



27.10.2017
SK Membidai Labuan




09.11.2017
SMK Taman Ria Tuaran



14.11.2017
SK Kitobu Inanam



15.11.2017
SK Alloysius Penampang



PERKEMBANGAN KAKITANGAN PNS

SENARAI PEMAKLUMAN/PERTUKARAN KAKITANGAN PERPUSTAKAAN NEGERI SABAH

BIL	NAMA	DARI	KE
1.	ESTHER V. MOBILIK	BAHAGIAN KUALITI DAN INOVASI	PEJABAT TIMBALAN PENGARAH KORPORAT
2.	AINAH BINTI IDRIS	BAHAGIAN KATALOG	BAHAGIAN LATIHAN KERJAYA
3.	INAH DAHLAN	BAHAGIAN KORPORAT PENERBITAN	BAHAGIAN KATALOG
4.	VICKY LO MU YIN	PEJABAT PENGARAH (PERKHIDMATAN TEKNIKAL)	BAHAGIAN KHIDMAT PENGURUSAN DAN PERSONEL
5.	KHADIJAH BINTI HJ. SUTRISNOH	BAHAGIAN KHIDMAT PENGURUSAN PERSONEL	JABATAN KERETAPI NEGERI SABAH

BIL	NAMA	BAHAGIAN	CATATAN
1.	JANUDIN JUMAT	BAHAGIAN KHIDMAT PENGURUSAN PERSONEL	MENANGGUNG KERJA JAWATAN PEGAWAI TADBIR GRED N41 YANG BERPINDAH JABATAN.
2.	AWANG ARMIA	BAHAGIAN KHIDMAT PENGURUSAN PERSONEL	KETUA KERANI BAHARU

SENARAI KAKITANGAN PERPUSTAKAAN NEGERI SABAH YANG BERSARA PAKSA BAGI TAHUN 2017

BIL	NAMA	JAWATAN	TARIKH BERSARA
1.	MARCUS DESUIL	PEMBANTU TADBIR (KEWANGAN)	02.09.2017
2.	MELAMA BIN TALINGE @ TALINGGI	PEMBANTU AM PEJABAT (NA04)	30.12.2017
3.	VALLIN BIN AWOT	PENOLONG PUSTAKAWAN (SA27)	07.10.2017
4.	NAPISAH BINTI MATALI	PEMBANTU AM PEJABAT (NA01)	10.10.2017
5.	ILDAH AMBUN ANDU	PEMBANTU PERPUSTAKAAN (SA22)	13.10.2017
6.	CHEW BEE CHU	PEMBANTU PERPUSTAKAAN (SA22)	10.12.2017
7.	SELVESTER M SPINING @ SIPINING	PEMBANTU AM PEJABAT (NA04)	26.12.2017

SENARAI KAKITANGAN PERPUSTAKAAN NEGERI SABAH YANG BERSARA PILIHAN SENDIRI BAGI TAHUN 2017

BIL	NAMA	JAWATAN	TARIKH BERSARA
1.	FLORA FUNG FUI CHU	TIMBALAN PENGARAH TEKNIKAL (S44)	01.12.2017

SENARAI NAMA PELATIH INDUSTRI SEPTEMBER-DISEMBER 2017

BIL	NAMA	PROGRAM PENGAJIAN	PENEMPATAN
1.	MOHD AFIQ BIN AWANG	INSTITUT LATIHAN TEKNIK DAN PERDAGANGAN (OPERASI SISTEM KOMPUTER TAHAP 3) 4 SEPTEMBER - 29 DISEMBER 2017	BAHAGIAN SOKONGAN IT
2.	MURTHA MANGUN	JABATAN PEMBANGUNAN SUMBER MANUSIA 5 - 11 SEPTEMBER 2017	BAHAGIAN KATALOG & PUSAT RUJUKAN NEGERI
3.	SITI NURAZILAYATI RAHMAH BT RAHMAN	UITM SHAH ALAM (BACHELOR OF MASSCOMM (HONS) PUBLIC RELATIONS) 11 SEPTEMBER - 22 DISEMBER 2017	PERPUSTAKAAN WILAYAH SANDAKAN
4.	FARAH WANDA FELIX	INSTITUT LATIHAN TEKNIK DAN PERDAGANGAN (PENYELIAAN PENGURUSAN PEJABAT TAHAP 3) 2 OKTOBER - 24 NOVEMBER 2017	PERPUSTAKAAN WILAYAH KENINGAU
5.	WAHAYU BT JAMLI		
6.	JACKSON LIN ZEN NIUNG	KOLEJ KOMUNITI PENAMPANG (SIJIL PENGOPERASIAN PERNIAGAAN) 6 NOVEMBER 2017 - 25 FEBRUARI 2018	PERPUSTAKAAN CAWANGAN PENAMPANG
7.	SIERRA ELIZABETH EDWIN	KOLEJ VOKASIONAL BEAUFORT (DIPLOMA PERAKAUNAN) 27 NOVEMBER 2017 - 27 APRIL 2018	BAHAGIAN AKAUN
8.	ABDA SOLEHA ABIDIN	PEJABAT MUFTI NEGERI SABAH 12 - 14 DISEMBER 2017	BAHAGIAN PEMBANGUNAN KOLEKSI & BAHAGIAN KATALOG
9.	MOHD FAAD ASHRAFFI BIN JAAFAR		
10.	MOKTAR DAMAN		
11.	MOHD. SALAM MD SALLEH		



INTAI-INTAI PNS

TAHNIAH!



Syabas diucapkan kepada Dk. Mastura, kakitangan Bahagian Korporat dan Penerbitan PNS yang telah memenangi Hadiah Sastera Kumpulan Utusan + PNB 2017 yang bertempat di Kuala Lumpur dan Hadiah Karya Penulisan Sabah di JKKN Sabah. Diharapkan terus sukses dalam minat yang diceburi, seterusnya memberikan inspirasi kepada kita semua untuk berjaya dalam apa sahaja minat.

KELAHIRAN CAHAYA MATA BAHARU

Warga kerja PNS turut tumpang gembira dengan kehadiran cahaya mata baharu. Tahniah diucapkan. Semoga dengan kehadiran si comel dalam kehidupan dapat menyerikan lagi kehidupan bekeluarga .

NAMA AYAH: MD FAIRUZ SALLEH
 BAHAGIAN: AKAUN
 NAMA ANAK: AWANG MUHAMMAD ARYAN FAYYADH
 TARikh LAHIR: 27.09.2017
 TEMPAT LAHIR: DAMAI SPECIALIST KPJ



RAIKAN CINTA



Wawa & Hesym.

Kisah percintaan berputik semasa kedua mereka merupakan kenalan sekerja bersama suatu ketika dahulu. Setelah mengenali hati budi, hubungan yang terjalin membawa ke jinjang pelamin. Selamat diihijab kabulkan pada 06.10.2017 di Masjid Asy-Syakirin Kudat. Resepsi diadakan di kampung halaman pengantin perempuan di daerah Kudat. Turut dihadiri oleh kakitangan PNS yang juga sahabat handai terdekatnya.

Alex & Amira

Siapa sangka pada mulanya hubungan persahabatan yang terjalin telah membabitkan benih cinta antara mereka berdua. Namun lumrah berpasangan ada kala pasang dan surutnya, bak kata pepatah "Kalau sudah jodoh takkan kemana". Selamat disatukan pada 15.12.2017 di kediaman pengantin perempuan. Majlis resepsi diadakan keesokannya, bertempat di Dewan SESB dan turut dihadiri rakan sekerja.

